

平定兩金川方畧

四

三

平定內卷

四

平定兩金川方畧卷之一百十六

三月。戊辰。富德奏言。本月初九日。准將軍阿桂
行咨。令將存下兵丁。仍留絨布駐守。查頭二起
兵丁一千。啓行已越三日。仍令副都統德赫布。
帶往宜喜備用。餘俱撤回。派赴各要隘駐守。奏
入。

上諭軍機大臣曰。前因富德續派兵三千往宜喜。恐

南路存兵大單。或致賊人窺伺滋擾。深爲厯念。隨諭令明亮於新調川兵到營後。酌撥一二千。速赴南路。並令文綬於陝甘調兵過成都時。量撥千餘。迅往絨布軍營。補足續撥三千之額。今富德旣將該處續派之兵。留住二千。是防守已足敷用。所有已到明亮處之川兵。及過成都之陝甘兵。俱可無庸撥往絨布。

壬申。文綬奏言。此次新調川省及各省官兵。統
計幾及一萬。糧隨軍進。必須寬裕。查西路軍營。
共存米五萬餘石。軍儲甚爲充足。此時雖驟添
五六千。實足供支裕如。內地發運之米。臣兵復
加緊督催。以爲接續之用。至北路所添官兵共
七千員名。需糧較廣。臣查卓克采存米一萬餘
石。從噶克存米五千餘石。周叟存米四千餘石。

而南路協濟之米。又經撥吉地米二千石。打箭
爐倉每月撥米五千石。運交木池。并令楸砥多
爲滾運北路。每日加數發運。奏入報。

聞

甲戌。阿桂。豐昇額。色布騰巴爾珠爾。海蘭察額。
森特奏言。勒吉爾博山脊之下。尙有小山腿三
條。賊人各設碉寨。應分兵攻打。始能得手。
臣等

派索倫官兵。及屯土兵練。分搶達佳布安吉兩

處碉寨。又令瑚尼爾圖等帶兵。爲達佳布安吉

寨官兵接續。其第三條山腿。上有兩碉。臣額森

特率同總兵仁和。攻搶下手碉座。而派副都統

額爾特。侍衛彰靄。攻搶上手碉座。其第二條山

腿上兩碉。派領隊大臣福康安。佛倫泰。侍衛泰

斐英阿等。帶兵攻搶。臣海蘭察等緊隨接應。至

第一條山腿上。共有四碉。令總兵保寧特成額
官達色等分攻。而保寧等所攻碉座之上。又有
寨落兩座。派烏什哈達等帶兵分攻。又木思工
噶克碉卡。副都統統福珠里。倭昇額。書麟等攻
打牽綴。臣等又以搶拈達佳布安吉寨之兵。若
竟從康薩爾下溝行走。不免爲賊所見。預爲準
備。當于十一日。今由密噶噶拉木之後繞下格

魯克古左邊溝內。卽於是日戌刻。從陡崖密箐中潛進。至十二日子刻。木思工噶克高處官兵。

先已放鎗前進。以混賊人耳目。而進攻達佳布

安吉之兵。已從第二第三山腿賊礮中間攀越而過。突然分路並攻。無不奮勇爭先。直入寨內。據其一面礮房與賊人分頭佔住。奮力攻擊。時

臣額森特等。見安吉寨火彈已放。卽帶兵進抵

策三條山腿。將兩礮同時攻得。臣海蘭察福康

安等。亦卽將第二條山腿。上兩礮攻克。賊番均

被殲戮。其第一條山腿寨落亦經烏什哈達官

達色等竭力奮攻。將礮座克取。殺賊十數名。惟

是安吉寨本距噶爾丹寺甚近。當有賊數百人。

分爲數起。上來救應。各官兵向前迎殺。賊人捨

死鏖戰。退而復進者三四次。俱經官兵擊敗。其

山梁上之賊。又攢集一二百人。憑高衝壓。官兵

弓箭齊發。傷斃甚多。而賊因達佳布安吉寨。爲

其心服之地。捨死格鬪。並與噶爾丹寺前來之

賊。上下合衝。臣海蘭察等星卽帶兵前往接應。

又有賊來衝。臣海蘭察額森特等所得之碉福

康安等往援。亦將賊人擊退。日已將暮。此各山

腿形勢延長。道路崎嶇陡峭。且均有深溝林箐

平定回疆方略卷之百二十一 五
間隔。賊人從中出沒滋擾。官兵不及趕拏木柵
石卡。難以接應。遂將所得碉卡折毀。其各路官
兵。徐徐酌撤。共計此次殺賊二百餘名。生擒六
名。並奪得鎗礮火藥刀矛等物。現在另行相度
形勢。務爲破其要隘。進搗賊巢。

同日。阿桂。豐昇。額色布騰巴爾珠爾。又奏言。查
前此富德於南路軍營。及吉地章谷等處。先派

兵三千七百餘名。調赴宜喜。臣等審度進攻兵數。尙屬不敷。因將所調川省咨回補缺等項官兵三千。令其迅赴宜喜備用。至奉

旨續撥南路官兵三千。臣等因宜喜兵數已敷。是以

於本月初四日。咨明富德暫停調撥。臣等思宜

喜一舉。此時不論何項兵丁。總以一經足用。立卽進攻爲主。今南路續撥官兵三千。業於初四

日咨令停止。倘其接准咨文。卽行停撥。而以後
川兵二千。又復令赴西路。則展轉牴牾。於迅速
集事之局。反多遲滯。當卽札覆明亮等。以此項
川兵此時應儘其遄赴北路。且毋庸別爲改撥。
以免岐悞。應俟南路覆到。再行酌辦。今准富德
覆稱。續撥頭二隊官兵一千。業已起程三日。仍
令副都統德赫布等。帶赴宜喜備用。其三隊官

兵甫自絨布起程。隨即遵照趕回等語。是南路
續撥宜喜之兵。止有一千。其川兵三千。自應全
赴明亮處。以資應用。如果兵數有餘。再截留在
後一千。亦爲便易。臣等並已咨明亮等。查照辦
理。至所調陝甘貴州兵六千名。從前原爲功噶
爾拉。當噶爾拉等處。另分一路之用。當蒙

皇上以事不可行。訓示周詳。今復奉

諭旨。令其全赴臣等軍營。聽候遣派。臣等思由功噶

爾拉等處。另派一路。於安設臺站等事。雖非難

辦。但西路軍營得力之領隊侍衛章京。及將領

等。止有此數。分派另路。頗費周章。而相隔既遠。

臣阿桂亦照料不及。自應遵

旨調赴此路。另於附近地方。探看道路。合力並搗賊

巢。尤可速期集事。均奏入。

上諭軍機大臣曰。阿桂等奏攻打達佳布安吉等處

碉寨。殲戮賊番情形。此次雖殲賊二百餘。生擒賊
番六名。而攻得之碉。因難以駐守。復行折毀。仍與
未得無異。殊覺可惜。自是兵數不多。未能分路襲
擊之故。今陝甘貴州所調兵六千。據各督撫奏。均
係揀派勇壯者。令其遄赴軍營。前往西路。約計陸
續可到。阿桂處添此生力精兵。聲勢更盛。於攻勦

尤爲有益。自應分路派兵進攻。必更易於得手。且
攻勦之外。可派吉林索倫兵。預伏中途。截殺應援

之賊。此等賊衆。一出碭外。已自失其險。尤可儘力
多殲。使之膽落。阿桂當努力爲之。至明亮處所。調
南路兵四千。又吉地等處兵七百五十名。計將及
五千。今川兵三千。又俱全赴宜喜。若再於宜喜現
兵內。抽選數千。約可滿萬。自當急籌攻取。明亮現

於何日進兵。著卽速覆奏。以慰懸注。但明亮此路
進兵。係攻其無備。果能得勝。自屬甚善。但究如治
病偏方。難於實有把握。仍當以阿桂處爲正路。朕
亦惟阿桂是恃。不可稍有疎懈。

同日阿桂。豐昇額。色布騰巴爾珠爾。又奏言。據
普爾普等報稱。揚素卽甲木楚。已同鄂克什番
人桑結塔爾。綽斯甲布番人克特爾。均由賊境

脫出。臣等親加訊問。據稱乾隆三十八年五月

內。將軍溫福派令前赴曾頭溝一帶。擒捉賊人。

其時正值兩金川勾通反叛。將伊拏至勒烏圍。

嗣又送往噶拉依頭人處問話住了一月。仍發

回勒烏圍。伊欲乘間逃走。被人首告。脚上穿了

木靴。不能逃脫。直至兩月前。懇求頭人當噶拉

阿納木。將木靴除去。發在廚房使喚。至本月初

十日。莎羅奔等俱往噶爾丹寺念經。就同桑結

塔爾等挖開水溝。逃出等語。

臣

等反覆訊問。伊

稱自被拏之後。總在官寨中住。是以雖幾及二
年。而於賊境緊要情形。不能深悉。惟口糧短少
一節。與逃出諸番所供無異。查揚素本係金川
微末番人。又因其在內地日久。加以防範。且性
情愚蠢。離本地年多。與賊人性習已殊。其不能

得知緊要情形似非捏飾。查上年九月內。兵丁王之奉脫出。供稱在勒烏圍寨內。遇見揚素。指引該兵脫出。臣等錄供具奏。奉

旨。揚素尙可憐。俟平賊後放出。仍予原職。今經自行脫出。其意尙屬可嘉。臣遵

旨。照舊給與空翎白頂。但伊雖係金川之人。而於山川形勢。已屬模糊。既不足供嚮導之用。且軍營

通事亦多。留在此間。亦爲無益。除另派人送京外。謹錄供詞進

呈。奏入報

聞。

四月戊寅。明亮舒常奏言。此次湊集多兵。從宜喜下壓。最爲喫緊關鍵。現經阿桂悉心指示。務在成功。復於十五日。派令海蘭察到來。將用兵

道路逐一熟籌。又於十六日。海蘭察密同奎林
和隆武三寶潛赴宜喜山梁。細加察看。而是日
已撥定漢土官兵。先於日旁一帶進攻。使賊人
無復他疑。隨派阿爾都等。在帶石前敵場。威珠
爾格德等。由所築木城過河。攻奪科拉木達。阿
蘭保等由達巴取路。攻奪喀爾西。俱於十七日
子時並進。詎喀爾西以前。幾礮。雖經大礮轟塌。

半截。賊人俱於礮後溝底藏身。竭力放鎗抵禦。

官兵幾次奮勇衝突。難以向前。其科拉木達及

帶石兩處亦俱不能得手。臣等因念宜喜一路。

指日截出河沿。此一帶地方皆可不攻自破。而

現在分頭進戰。祇以試探賊消息。是否移中往

他處拒守。今既照常嚴密。不值與之久持。多傷

士卒。遂於辰刻俱令收撤。恐賊人隨後下壓。預

派精銳分伏要隘。果有賊番兩隊。各數十餘人。從西北格谷及喀爾西相爲犄角而來。我兵猝然並起。載殺十餘名。餘俱竄逸。適海蘭察等。午後自宜喜回營。所商繞攻特朗碉卡及步步拏柵而前。以便直向西南下壓。與臣等意見俱屬相同。卽擬月山通知阿桂。隔河夾擊。爲直搗勒烏圍之局。惟是用兵旣衆。分路亦多。在在需人。

督率。况奎林和隆武三寶。皆深入其阻。而後路
綿長。兩旁箐林。賊人俱可抄出攔截。若逐段聯
營列柵。無大員統領。實不放心。臣等再四相商。
日旁一路。俱屬仄徑懸崖。必得多兵在後策應。
今將存營壯健。抽赴宜喜打仗。則日旁卽無可
牽綴。而各營盤早爲收拾堅固。屆期酌量留兵。
派令舒景安都爾嘉。前後分駐。互爲照應。可以

無虞。臣舒常自應同赴宜喜督率。於事更爲有

益。茲十八日。海蘭察又赴西路。面向阿桂備述

籌辦緣由。揀定師期。海蘭察仍擬再來約定。臣

卽迅速進攻。奏入。

上諭軍機大臣曰。阿桂派令海蘭察前往宜喜會同

察看進兵路徑。約期會攻。深合行軍機要。而海蘭

察往來相度。實爲出力。著將營中所有大緞。賞給

二正以示獎勵。至舒常請同赴宜喜進攻。亦屬甚

好。其日旁一帶據奏留舒景安都爾嘉駐彼照應。

其地雖係牽綴賊勢。但亦須熟悉地利之人。方於

事有益。因思永平馬彪二人。在宜喜駐兵已久。於

防範情形。必能熟悉。著明亮於此二人內。酌派一

人。同舒景安都爾嘉在彼防守。似更妥協。仍將派

出何人之處。附便奏聞。

同日富勒渾郝碩奏言大功將屆垂成派運軍

糧尤應早爲清理。臣郝碩於本月十二日至梭

洛栢古沿途清查米數計自前敵格魯克古至

色木多各站存米一萬八千二百餘石。臣富勒

渾查核後路一帶軍糧除楸砥存米八千四百

餘石係分供西北兩路軍營不計外自孟谷至

梭洛栢古各站存米四萬三千五百餘石格魯

瓦覺一路存米三千餘石。合之格魯克古一帶。統共存米六萬四千餘石。實屬充裕。核計現有兵夫。以及新添陝甘貴州三省官兵六千名。可敷三月有餘之用。此外尙有省局歷次指派。運交大板昭梭洛栢古兩處未完商米。並各府州二三四月分未完月米共六萬五千餘石。臣等現已咨商文綬。並嚴飭軍需局。速將前項未完

米石。勒限僭運。如果源源接續而來。尙敷支用。
其四月以後月米。卽可緩派奏入。

上嘉之。

辛巳阿桂。豐昇額。色布騰巴爾珠爾奏言。臣等

於十六日。令海蘭察赴日旁。會同奎林和隆武。
三寶等。並往宜喜審度情形。與明亮舒常覆加。
籌定。核計兵力。南路各處撥兵四千七百餘名。

又川省新調補缺等項官兵。屆期可到二千餘

名。合以日旁宜喜可抽之兵。四千餘。及綽斯甲

布革布什咱土兵。共計有一萬數千名。兵勢已

極壯盛。臣等復恐官兵雖多精銳者祇有此數。

因於西路軍營內。挑出勁銳可仗之兵。吉林索

倫六百名。貴州二百名。屯土兵二百名。共一千

名。以爲搶佔扼要地方。及截殺衝突賊人之用。

商令海蘭察及領隊大臣福康安。佛倫泰侍衛
泰斐英阿等帶往。以資臨時分頭督率。於二十
一日。令此項官兵。從密拉噶拉木之後。繞至格
魯克古山溝。暫爲歇息。卽於是夜。越過格魯克
古山梁。下山渡河。使賊不能知覺。現與明亮等。
約定於三四日內。合力衝壓。必能得手。至西路
沿河一路。日來用礮攢轟。其右手礮臺大礮

一座已漸次坍塌。而木思工噶克了口原係進
搗賊巢正路。只須攻開兩三處佔據。即可直下。

臣等察看情形。雖賊人碉卡林立。其間尙可設
法辦理。計至宜喜一路攻壓之時。沿河一帶。既
當合力進攻。而木思工噶克山梁上。其防守嚴
密之各碉卡。必須先爲連日攻打。賊人或以爲
此不過牽綴之兵。未必實力進攻。將人撤往河

北。則可攻之。礮卡。備禦稍疎。即可乘虛攻克。臣
等並於海蘭察帶兵起身時。囑以此次從宜喜
衝壓。直至瀕河。爲蕝事遲速攸關。倍當努力。果
能由彼設法渡河抄截。則已出得式梯之後。賊
人斷不能再守。仍與西路會兵迅進。如不能渡
河抄截。仍卽速撤回西路。爲併力乘機進攻之
策。

同日。阿桂。豐昇。額色。布騰。巴爾珠爾。又奏言。賊
番狡獪百出。其鬼蜮伎倆。實不可不慎密嚴防。
但道路之遠近。形勢之險易。與夫賊酋賊目情
形。投番等知之熟悉。以爲詢問嚮導之用。自不
可少。且賊衆所以死力拒守。實因並無退步。而
又惑於賊酋投出要死之語。是以爲其堅守。若
留此投番數人在營。使共知其不殺。似更足以

速換賊衆之心。於大局亦爲有益。臣等西路於
投出番人中。察其人尙可用而又帶有父母妻
子者。將其家口安插瓦寺梭磨等處。以資約束。
而令該番隨營差遣。伊等攜帶家口出來。自必
心生顧戀。分置兩處。卽有中懷叵測者。亦可杜
其狡譎之謀。而該番在營。又令可信之士弁並
飭帶土兵之將領。留心察看。情僞易知。似尙可

無他慮。至單身逃出。無可憑信之人。俱交附近
內地安插。從未令其隨營打仗。此不獨於金川
番人爲然。卽小金川番人之投出者。亦一體如
此辦理。查番人固稱狡詐。但其中亦有未可概
論者。卽如本月十二日。安吉等處打仗。其爲賊
人所截之士。弁土兵內。次日卽有策旺。阿濟商
納三人逃出。商納被賊趕上殺死。策旺本係金

川之人。久投內地。伊被拏至噶爾丹寺。賊目以
其向爲大兵領路。銜恨甚深。痛加捶楚。幾於體
無完膚。而阿濟係小金川頭人僧格太之子。木
果木失事時。曾隨賊衆搶佔地方。茲於本月初
三日。同其父母兄弟投出。卽請隨征自効。直前
打仗殺賊。手腕中鎗。及被賊拏去。仍與策旺從
礮跳下逃出。此內地兵丁深知大義者。不過如

此而於既降復叛。既叛又降之。番人較之。則其
居心直偽。實難概論。况投番之實心歸順。與中
懷異志。審其神情詞氣。介在幾微。而在營通事
傳言。亦難盡信。伊等見將軍大人意指稍偏。卽
將投番言語。畧爲遷就。因其疑似之間。無難卽
指爲奸細。是以軍營事務雖繁。臣等必將投番
親爲研訊。務得實情。今蒙

聖訓諄詳。臣等惟有益加力究嚴防。斷不至墮其術。

中均奏入。

上諭軍機大臣曰。阿桂奏挑選吉林索倫等勁銳兵千各。今海蘭察福康安等帶領前往宜喜。以資分頭督率。阿桂不分畛域。派兵往助明亮。所見極是。但西路兵數亦不甚多。今復分減千名。兵力似覺稍單。又海蘭察遇有攻勦之處。奮勇超羣。所向克

捷。今令前往宜喜。於彼處自屬有益。但阿桂處似
覺少一可恃之人。至福康安近日頗有出息。亦屬
西路得力之人。阿桂將伊等派往宜喜。必見及宜
喜情形。爲近日進兵要路。故如此調派。若果能從
宜喜壓至瀕河。自以設法渡河抄截爲要。明亮等
久經奏及籌備渡河之事。臨時諒必應手。誠能抄
出得式梯之後。與阿桂會兵夾攻。則勒烏圍已在

掌握之中。此舉實爲事半功倍。佇聽捷音。至另摺
所奏。籌辦降番之法。以留數人在營。使共知其不
殺。似更可速渙賊衆之心。固亦是一見解。但此輩
賊番。情性叵測。卽或留其在營。亦不可不嚴防密
察。勿爲所愚。而明亮處。從未盤獲奸細一人。尤恐
其爲黠賊。朦混深爲。厘念。明亮倍宜留意慎防。毋
稍疎忽貽誤。至僧格太阿濟二犯。罪惡昭著。業經

阿桂處訊明。是以諭將阿濟卽在軍營正法。僧格
太令文綬拏至成都正法。今據阿桂奏。阿濟從前
雖隨賊搶佔地方。茲同其父母兄弟投出。卽請隨
征自効。打仗殺賊。因手腕中鎗。被賊搶去。仍從礮
跳下。逃出等語。有此一節。尙可以貸其死。自當暫
留營中。阿桂仍留心防察。并觀其向後出力與否。
再行定奪。其僧格太一犯。亦可且無庸辦及。並其

家屬。且不必分賞土司爲奴。統俟將來再辦不遲。
將此并諭文綬知之。

臣等謹案大兵由宜喜下壓。瀕河夾擊。直擣
勒烏圍。爲行師全局關鍵。其山嶺形勢。以及
進兵道路。臣阿桂令海蘭察前往。會同等度。
復遣助勁旅一千。以期必濟。仰蒙

皇上殷殷垂念。以西路兵力分減。未免稍單。且少一

奮勇足恃之人。致墮

睿慮。臣子感深肺腑。因以倍勵協恭。至番人僧格太
等。前經罪狀昭著。

諭卽正法。茲以其殺賊自奮。且有被執逃回之事。

特命賞其一死。以觀後効。

大聖人如天運量。絕無預設成心。所以刑賞皆忠厚
之至也。

癸未。富德奏言。臣仰仗

天恩。前准將軍阿桂所奏。無庸撥兵遣赴宜喜。隨將
續撥未經起程之二千兵。卽留於此路。現俱分
撥各山梁要隘。嚴防妥備。賊人潛來窺伺。卽痛
加殲戮。並札商將軍明亮。將尅期共舉之處。預
行密扎。以便竭力牽綴賊勢。稍有可乘之隙。卽
攻奪要隘。以期迅搗賊巢。奏入。

上諭軍機大臣曰。前因富德奏續派之兵。業經阿桂
停調二千。則馬尼僅多派兵一千。餘存之兵尙足
敷用。所有陝甘兵及川兵。均可無庸撥補南路。隨
卽諭知明亮文綬等矣。此旨文綬處。不過二十七
八日間。可以接到。若陝甘兵彼時尙未過省。自可
停其撥赴馬尼。若已經派撥起程。卽聽其前往。亦
無不可。現據富德奏有相機進勦之事。卽添此一

千兵亦屬有益。轉不必復行更改。徒使僕僕道途。致疲兵力。

丙戌。

上諭內閣曰。色布騰巴爾珠爾。前者西陲底定。懋建功勳。此次派往川省軍營。爲參贊大臣。董率將弁。奪隘攻碉。屢彰勞績。茲遽溘逝。深爲軫惜。著加恩賞內庫銀三千兩治喪。仍著伊子前往迎喪。其歸

櫛所經並著沿途地方官照料護送。

丙戌

上南內閣曰世宗憲皇帝巴圖魯爾圖勒和巴圖魯之

功勳世宗憲在川省督學時參贊大臣

奉旨

謝河縣進書

平定兩金川方略卷之一百十七

四月甲午阿桂豐昇額額森特奏言自三月二

十五日至三十日大雪迷漫不分晝夜至交四

月猶復半陰半晴故木思工噶克山梁積雪未

消而遙望宜喜雪色更甚惟是山上下雪沿河

則雨雪相間泥濘尙屬易乾自當從此先行政

撲不使賊人得以休息。臣等公同籌議。臣額森

特率同侍衛伊里布等直取羣尼碉寨。並令翼長六十七等攻其左。遊擊袁敏等循田礮而進。以攻其右來珠碉寨。則令侍衛彰靄總兵仁和等攻打。又派副都統額爾特侍衛那木札等從碉寨中間前進。以斷賊彼此往來。並截殺各處來援之賊。其章京納亨保等帶兵爲各路接續。於初五日子刻。同時並進。官兵先已攜帶板片。

木梯爲度溝上礮之用。但寨外溝濠旣濶。賊又
挖掘地窖。藏伏其中。一見官兵。卽從地窖孔穴
內往上擊打。使我兵不能鋪板而過。其礮寨上
賊人。又合力放鎗抵禦。官兵正擬設法上攻。而
得式梯以及各山腿之賊。合力來援。經額爾特
那木札等。從中衝進。直前迎擊。殲斃二十餘人。
賊已從來珠寨後。竄入死守。且又有賊渡河前

來接應。官兵卽施放鎗礮。打中皮船賊俱墮水中。餘賊亦入羣尼寨內。一同堵禦。官兵攻至辰刻。尙未得手。久戰恐多傷損。因令官兵從旁撤下。而急令從中施放大駮。其礮寨上放鎗之賊。尙在站立抵禦。多有被礮擊斃者。我兵內副叅領烏爾圖。委署叅領六十三得有鎗傷。查木思工噶克。及宜喜山梁。但得連日快晴。卽能從此

攻進。惟是賊人狡惡異常。節據投番等稱賊人
望見宜喜官兵。陸續增添。竭力於噶拉依等處。
搜括賊衆。前來守禦。又因西路大兵利害。復令
山塔爾薩木坦等回來。合力把守。是賊人於此
兩路。悉心守禦。實屬不遺餘力。雖賊人所備之
地。非卽我兵攻壓之地。於攻取大局毫無妨碍。
但此時須須多方以悞之。使其無從揣測。則慌

亂自必益甚。臣等已令常青。旺保祿。王進泰。抽

出官兵。於簇拉角克。擦爾覺兩路前進。相度賊人望見之地。多燃烟火。作為進攻之狀。其南路

納木覺爾宗一帶。計有防兵三千餘。並令侍衛

哈青阿。於當噶爾拉等處。酌量前進。一同牽綴

賊勢。則賊酋不能不迴顧噶拉依。而西北兩路。

併力進攻。自可尅期深入。再渡河船料。臣等前

此早經預備。因對岸崖礮陡削。道路狹窄。是以
未能辦理。今宜喜官兵一經歷至河邊。卽當來
往過渡。需船更爲緊要。因將預備船料。越過格
魯克古山梁。擡至河濱。造成。使賊人望見。又疑
官兵或將過河。截日旁之後。或將順流直下。相
機搶殺。更可亂其心目。臣等逆料賊人必來侵
擾。飭令官兵預爲設伏防範。初四日夜亥刻。果

有二三十賊。用船過渡前來。官兵候其上岸。齊出衝擊。賊人措手不及。敗至河邊。有上船不及者。又復落水淹斃。其渡河逃去者無幾。士兵內惟有受傷二名。奏入。

上諭曰。勉力速成功。實盼望不安寢食矣。

同日。阿桂。豐昇額。又奏言。德爾格忒。土司魯珠。布嘉木差。於上年十一月病故。茲據已故土司。

之妹洋湛卓爾瑪遣其頭人來營稟稱土司兒

子年甫八歲尙須等待數年方能管事土司在

日一切事務俱與洋湛卓爾瑪同辦。是以此時

大小頭人百姓。公同商議。仍願洋湛卓爾瑪護

理。臣等向知該土女自小爲尼並無夫家。歷來

協同土司辦事已久。實爲衆番所服。現在宜喜

一路運糧所需烏拉。大半取給於德爾格忒。今

已故土司之子。年幼不能管事。自應令該土女
暫行掌管。俟土司之子年歲長成。再行照例襲
職。臣等與明亮等。彼此札商。意見相同。當經給
與護理執照。並飭其各安住牧。遇有運糧等事。
照舊實心出力。不得稍有遲玩。奏入報

聞。

丙申。文綬奏言。川黔兩省官兵俱於三月內全

數出口。並陝兵之第一二三四起八百餘名。廿
兵之第一起一百五十名。均已陸續赴營。茲陝
省之第五六七八九十起官兵。已於三月二十
九三十。四月初一至初八等日。先後到省。馳赴
西路軍營。共計陝兵二千。已全數過省訖。又甘
省第二三四起官兵。於四月初一初五初六等
日。先後到省。亦前赴西路軍營。其第五六起。已

於初八日抵成都。共計甘兵已過一千四百六十名。其未到之甘兵一千名亦已啣尾而來。至

西路軍糧。目下雖屬充裕。但現在新添陝甘黔

兵數千名支食浩繁。且時當夏令。口外雨水較

多。輓運不易。臣現飭各屬將已派之米上緊趕

運。無致缺少。至北路驟添兵丁。人夫官役統計

約添一萬餘人。支食愈繁。臣先已札令揪砥糶

員加數滾運北路。尙恐路遠站長。難期迅速。是
以於南路打箭爐撥米協濟。雖現在源源發運。
臣恐沿途烏拉行走遲緩。必須大員督催彈壓。
隨飭總理道杜玉林親自出口查催。以期迅速。
奏入報。

聞。

辛丑富勒渾奏言。據管理沙壩站員經歷余英

稟稱本月初六日有夾壩數人乘夜潛來搶奪。截傷客民三名。搶去零星食物。又初九日夜有賊番二十餘人在糧臺買賣街焚燒客棚。搶去過路長運商米數斛。經歷同外委郭正元等督率兵丁夫役併力抵禦。有壯丁馬成龍向前追擊斃賊一名。餘俱奔竄。臣查沙壩一站係揪砥糧運正路。除飭防駐薩拉副將握星泰等就近

飛往查緝。並令該站員余英。再挑壯夫四十名。
合之原設壯夫六十名。協同守禦。一面揀派防
駐梭洛栢古都司舒時可。帶兵一百名。星夜前
赴沙壩。嚴密搜拿。復飛飭守卡將備。於各路口
嚴加堵禦。以截賊人歸路。再查沙壩一帶。與烏
爾當叨烏達扎山等處。在在相通。道路叢雜。前
因各要隘處所。俱已安設營卡。足資捍禦。是以

沙壩地方。祇派壯夫護守。並未添設官兵。自安
站以來。尙屬寧謐。嗣緣脫出番民。及盤獲奸細。
僉供賊酋口糧短少。有派人偷放夾壩之語。臣

復經商之提。臣常青。抽撥兵三十名。在彼防駐。

今連日忽有賊番翻越重山。覓食滋擾。卽日攻
克勒烏圍賊。愈形窮蹙。竄鞅自必更多。急應設
法添兵。嚴密防範。並痛加勦捕。以絕根株。查後

路原設防兵烏爾當叨烏噶哩舍克達扎山等
處共安兵一千餘名該處糧臺業經裁撤今昔

情形不同且距沙壩一路均有數十餘里一時

有事難以速赴機宜自不若酌撥附近糧臺分

未防以資穩固臣現咨商提臣常青將烏爾當等

處官兵酌量抽調於沙壩三松坪一帶相度情

形酌定分布並咨請將軍阿桂指示遵行奏入

上諭軍機大臣曰。富勒渾所奏。沙壩地方。賊番施攻。夾壩。多不過二十餘人。自係乏食窮番。搶掠糊口。未必由賊酋遣令潛出。滋擾後路。但在賊番固因饑餓所迫。各自爲謀。而在逆酋或亦利其外出。使糧臺夫衆。稍涉驚惶。致煩內地兵夫之策應。亦未可定。今賊番兩次潛來。俱經官兵擊退。且有殲斃之人。窮番自必略知儆畏。不敢屢出嘗試。所奏設

法添兵之語。殊可不必。後路糧臺安設已久。各處防兵。本自敷用。其間或有今昔異宜之事。原可因時調劑。酌量抽派。况前經傳諭該督等。令各營夫役自行練習技藝。以資防護。此次卽有壯夫馬成。龍擊斃賊番之事。可見臺站夫丁業已各知自衛。再於附近處所。量爲抽撥。已足資守禦。惟當嚴飭各路員弁。督率兵夫。實力防禦。俾皆寧輯。又何必

於大功將成之際。復向內地州縣紛紛添撥乎。並著傳諭知之。

壬寅。阿桂。豐昇。額額森特奏言。宜喜進攻一局。爲此時緊要關鍵。必須木思工噶克。及得式梯兩處。同日攻打。賊人始不能撤堵西路之人。以爲接應。宜喜之用。而卽就西路中。又須連日攻打。則賊人或以西路進攻。不過爲北路牽綴。一

次攻搶。未必復行大舉。不無意存疎懈。然後木
思工噶克。卽於次日進攻。可望攻克。至勒吉爾
博山梁。自上而下。過木思工噶克了口。又有突
起一峯。上有木城一座。大礮三座。互爲犄角。一
得此處。則其下山脊之各礮下。固可順梁下壓。
而且俯瞰木思工噶克了口礮柵。鎗礮轟擊。賊
必不能據守。三等於十三日。派令福珠里等攻

榮噶爾博下面木城。書麟格勒爾德等攻木思
工噶克了口碉卡。又派副都統額爾特侍衛那
木札等攻羣尼正面碉座。侍衛巴三泰等從旁
攻打。各於宜喜官兵未經動手之先。並進攻撲。
賊人放鎗滾石。死力抵禦。而勒吉爾博山寨。及
沿河一帶之賊。齊來救援。並從各碉柵後竄入。
合同固守。官兵攻至辰刻始行酌撤。是日
臣阿

桂。卽將攻打木思工噶克了口官兵部署。派烏
什哈達。瑚尼爾圖等攻搶了口山峯木城碉座。
副將曹順等攻取山峯右手碉座。侍衛穆哈納
等攻取山峯左手碉座。其副都統福珠里倭昇
額書麟總兵特成額。海祿等帶兵爲各路接應。
其總兵官達色。劉國樑。烏爾納等截殺各處來
援賊衆。而富興。保寧等攻打勒吉爾博山梁中。

間塞古羅木礮寨。以爲牽綴。並預備木植。一俟

官兵得手。趕拏木柵。臣豐昇額額森特。亦於是

日將沿河官兵部署。臣額森特同侍衛那木札

等攻搶羣尼礮寨。副都統額爾特侍衛彰靄等。

從左合攻。總兵仁和。攻打來珠寨落。副將西德

布等。從旁攻打。遊擊靈山等。攻打沿河各寨。均

於十四日子刻前進。臣阿桂。豐昇額。分路督率

調度。其攻打木思工噶克山峯各官兵。烏什哈
達等潛密前往。攀越而登。賊衆放鎗外擊。越其三
面礮內。隨即合力抵禦。鎗石齊發。遊擊梁朝桂
等。先搶東北隅。大戰礮一齊擁入。其叅將國興
等。督兵擁進木城。並用刀斧砍開數處。衝入勦
殺。亦將木城攻獲。維時呼聲四合。兵氣益揚。穆
哈納等將山峯左手礮座。曹順等將山峯右手

礮座同時攻克。所有攻得之木城石礮內賊人。被官兵殲戮者甚多。並割取首級耳記。及奪獲鳥鎗刀子等物。其餘官兵。卽從康薩爾直至了

口山峯一帶。連拏木柵佔據。至攻打沿河礮寨之兵。均攜帶木柴。堆積於羣尼寨下。放火焚燒。火勢延入寨中。賊人多被燒斃。官兵正欲乘勢撲進。而礮寨兩旁及礮後田礮之下。所有潛伏

賊衆俱來援應。且寨內烟燄飛騰。官兵亦難撲
進。因將官兵酌撤。至北路官兵。先於十二日進
攻甲索。搶獲大礮九座。石卡一座。且宜喜山梁。
十三日望見攻克得楞礮卡。已至沙爾於尼之
上。本日復見一隊官兵。向東從薩克薩谷而下。
已可直至河沿。與西路現攻之地。隔河相對。所
有自日旁沙壩。以及喀爾西斯年木咱爾等處。

四條大山腿。四道深溝。其間寨落賊人。皆已不
戰而逃。現在官兵所佔之沙爾尼山梁。下至勒
烏圍對河臨岸。其間亦無險阻。日內諒即可壓
下。至西路本離勒烏圍甚近。只因勒吉爾博山
梁既險。而礮卡稠密。更屬異常。幾於無可著手。
今已將了口右手高峯礮柵佔據。則攻取得式
梯噶爾丹寺以上各處。皆係從山梁而下。較之

仰攻者究易爲力。而我兵旣佔了口右手高峯。其了口正路上。雖有賊人碉卡。將大礮運往轟摧。不難克取。一得此數處碉寨。竟可直壓勒烏圍。奏入。

上諭內臣曰。阿桂等奏分攻榮噶爾博下面木城。又薩攻克木思工噶克了口碉座。官兵卽從康爾直至了口一帶山峯。連拏木柵佔據。至北路明亮之

兵。先於十二日進攻甲索。搶獲碉座。一日而收三年未竟之功。將軍等調度有方。將領弁兵亦俱實心奮勇。甚屬可嘉。所有阿桂。豐昇額等。及在事出力之將弁兵丁。俱著交部查明議敘。其尤爲出力之三等待衛穆哈納。叅將國興。遊擊梁朝桂。俱著加一等卽行陞用。

同日。阿桂奏言。伏查賊酋等死亡在卽。尙復竭

力負嶠。苟安殘喘。則於噶拉依一帶。仍圖死拒。亦難謂其必無此心。但此次噶爾丹寺念經。據投番等供索諾木卽到該處。而噶拉依已遣頭人丹巴。促令土司回去。則其不敢輕離巢穴。似屬實情。至欲哀聚口糧。以爲堅拒數年之計。則揆其力量。斷不能如此。卽如賊人上年。曾將各處田畝。盡行種植。而去秋所收。用至本年正月。

已漸短缺。况自去歲夏秋以後官兵節摧要隘。賊酋盡其醜類。悉力拒守。卽婦女亦皆派令挖濠運石。所有地畝不能全行墾種。此時登高而望。賊境情形。歷歷如繪。其可耕之地。未經翻種者甚多。况南路之馬奈卡卡角各寨。西路之格魯瓦覺。作固頂一帶地方。均爲官兵所得。而其各寨番民。除殲斃投降外。仍復逃歸金川。又加

以小金川逃往番人。爲數尙多。人多於昔。地少於舊。且又所種無多。安得久資口食。據投番等供稱。土司官寨內。糧食亦已缺乏。此卽官兵攻得勒烏圍後。賊酋又欲於噶拉依。多造堅礮。扼塞隘口。而無從哀聚口糧。自難爲久拒之計。若西北兩路大兵。攻得勒烏圍。勢必如三十七八兩年。進勦小金川時。一得美諾。則底木達。布朗

郭宗俱成瓦解。賊酋等卽退守噶拉依。亦不過
苟延旦夕。查三十六年。小金川攻圍鄂克什達

木巴宗官寨。該土司所以能固守數月者。蓋因

阿爾泰先經派令屯兵五百。又運存糧五百石。

幫同戍守。且知甲金達巴朗拉各處。皆有官兵

攻打。外援可恃。而小金川又無大礙。因得以支
持日久。今官兵一抵噶拉依。賊人並無外援。而

官兵趕鑄大礮。不日可成。用以轟打賊巢。萬不能更爲支禦。但此時各路滿漢官兵。共計七萬有奇。所糜帑項。實屬浩繁。是以臣於受傷養病官兵。一時不能速愈者。隨卽遣回。以節糜費。今官兵一抵噶拉依。則各路官兵。均可同時會合。除分兵四出。將各處大小碉寨。盡數掃除外。所存噶拉依一隅。卽有一兩月稽延。誠如

聖諭亦無須多兵圍守。臣屆時一面圍攻。一面卽將

可撤之兵。先行陸續撤回。不但可以節省軍需。而於勝兵凱旋之時。亦不至擁擠。奏入。

上是之。

癸卯。明亮海蘭察舒常奏言。自初九日天氣放

晴。臣等公同商酌。派敖成帶漢土兵二千五百

名。於十二日先攻甲索。以分賊勢。而於十三日

從宜喜分頭並進。當卽飛札通知阿桂富德。同時攻打。務在成功。但查甲索一帶賊碉。祇有老弱防守。敖成督兵前去。恐木克什巴舍什賊人。就近救援。臣等先於十二日子刻。從此兩路分兵牽綴。及至旭日始升。遙望敖成一路。連破賊碉數座。一面卽派叅領噶塔布。帶兵七百名。馳往接應。旋據敖成稟稱。五更時將到山頂。督同

副將常泰。叅將瑚圖禮。哈芬布。遊擊銜馬應詔。
都司彭成堯等。分作三路。直逼碉根。一擁向前。
當將要隘三碉。立時攻破。乘賊慌亂之餘。並又
搶佔左右兩山賊碉七座。已刻以後。將接連俄
坡之東山賊碉四座。亦經佔據。統計前後奪取
戰碉一十四座等語。是甲索既經得手。則宜喜
一路。更覺勇氣倍增。臣等查達爾圖以下得楞

一帶山岡綿延。二十餘里。其上碉卡添築甚多。並須分路進攻。使賊人彼此不能相救。隨派科瑪進財保。分攻得楞大碉。以及上手相繼石城。其間東南敘插山腿所列二碉。派令阿爾都衆神保分攻。由得楞而回。峰巒疊起之上。碉卡相接。派令三寶和隆武奎林珠爾格德等。分隊取路上攻。烏爾圖納遜帶兵在後接續。其向東山

腿下下臨河之處。尙有賊碉聯絡其間。派令福

康安佛倫泰。泰斐英阿。帶兵攻取。至十三日子

刻。陸續進發。臣海蘭察帶兵策應。得楞各隊。臣

明亮舒常。於達爾圖木克什等處分頭督率。未

及黎明。各官兵奮往爭先。而環山上下。賊人鎗

礮齊發。直至辰刻。賊衆四面蟻聚。爲數至多。而

臣等此次接伏。兵至萬餘。實向所未有。其氣愈

壯旋見三寶和隆武等官兵各將所指之礮。先
後攻克併奪獲附近石卡數座。而福康安等搶
奪石卡二座之後。卽乘勢壓下。復搶奪石卡一
座。其時各處賊人勢難再支。紛紛奔潰。被我兵
刀矛鎗箭所斃。約有二百餘人。割取首級耳記
共三十件。生擒賊番七名。現在官兵各將所得
地方。嚴爲守禦。及從溝內前去之路。當卽共拏

木城九座。以便運送火藥口糧。無虞劫掠。惟達爾圖前敵。以至得楞。實因濠深地險。賊人捨死擁衛。俱難克取。然得楞以下各碉卡。全被我兵搶佔。賊人已截在後。臣等乘賊番立脚未定。無險可恃之際。一面將末後兩起新調川兵。於十三日已到橋頭。催集上山。尅日直下河沿。非惟達爾圖等處賊人。立見竄散。卽沙壩山喀爾西

等處皆已攔截在內。自可不攻而得。奏入。

上諭內閣曰。明亮等奏攻克甲索。宜喜。並統衆下壓。各情形。將軍叅贊等調度有方。將領弁兵俱能奮勉出力。甚屬可嘉。著交部查明議敘。總兵敖成統兵攻克甲索。尤屬勇往超羣。著賞給僧格巴圖魯號。以示獎勵。

上諭軍機大臣曰。明亮北路情形。與阿桂西路不同。

西路雖遜克爾宗等寨。未經攻得。然其地尙隔一
峰。卽得式梯。羣尼等寨。亦在河沿。並居了口之下。
今阿桂從了口山梁下壓。賊人自無由在後抄襲。
至北路之達爾圖。喀爾西等處。現爲官兵截住。其
賊諒可不攻而潰。但各處賊衆尙多。設或乘我下
壓之時。從後路潛出滋擾。不可不慮。此等機宜。明
亮自能見及。但恐伊等銳於進取。防範或不免稍

疎。所關匪細。著傳諭明亮等。將達爾圖等處後路。留心防護。勿使賊人得以窺我之隙。稍滋事端。

甲辰。富勒渾奏言。查沙壩一帶。屢有賊番滋擾。該處爲揪砥糧運正路。不容稍有疎虞。今兩軍合集進攻。將來糧石均應由此供運。道路尤宜肅清。雖經臣於梭洛栢古喀爾西大板昭。抽撥官兵一百名。暫赴該處駐扎搜拏。但爲數無多。

不敷防範。而大板昭一帶。俱係糧運緊要地方。處處環抱賊境。前撥之兵。亦不能久留沙壩。臣

節次咨商提臣常青。將瑪爾當一帶官兵酌量

抽調於沙壩。三松坪等處。安設分防。尙未覆到。

今暫調薩拉防兵一百名。瑪爾當防兵五十名。

先赴沙壩。合之臣前撥之兵一百名。交都司舒

時可。分安卡隘。在彼嚴密搜拿。用資捍禦。奏入。

上諭軍機大臣曰。大板昭一帶。爲糧運正站。且係軍營緊要後路。防守尤宜嚴密。現在富勒渾等。酌將後路官兵抽發。分布安設。自應如此辦理。仍著富勒渾。旺保。祿王。進泰。常青等。督飭各卡隘。一體嚴密防禦。勿使稍懈。

乙巳。明亮。海蘭察。舒常奏言。達爾圖以下。卽爲得楞得楞以下。卽爲基木斯丹當噶。其山腿斜

向東南。由北直下。已隔河越過噶爾丹寺之前。其基木斯丹當噶向東。另分山腿。地名薩克薩密谷。與額森特帶兵下壓之處緊接。如將薩克薩密谷先行攻克。則日旁右手之沙壩山。喀爾西色格落瑪色布里。並上連達爾圖。得楞等處。日旁溝口之斯年木咱爾。並溝內斯聶斯布羅等處。地方。統計周圍五十餘里。其間寨落數十百處。

卽挑派健銳。分布要口埋伏。賊人愍不畏死。竟於夜半四次聚集番衆上山。搶奪新立營盤。俱爲我兵擊退。至十五日丑刻。達爾圖得楞沙壩山各處賊人紛紛棄礮。從沿河山脚潛竄。我兵隨後追殺。其墮崖落水。及爲鎗箭所斃者不計其數。至是日辰刻。阿桂已將預備船隻運至河干。往來渡載。當經福康安佛倫泰等帶兵將斯

年木咱爾及斯聶斯布羅爾處寨落於巳刻以前。悉皆攻克。所有自東至西。環山五十餘里之內。大小數百餘處寨落。派兵搜檢。並無存留糧食。止有牛羊零星什物。俵散出力兵丁。一面放火焚燬。臣等現已飛調日旁留守舊兵。以便併力前進。奏入。

上諭軍機大臣曰。此次攻剿得勝。明亮調度有方。海

平定回疆方略卷之三百七
三
蘭泰福康安。尤爲出力。均屬可嘉。明亮福康安俱著授爲內大臣。海蘭察前次已授內大臣。著賞給御用荷包。以示鼓勵。俟大功成時。自有殊恩懋賞。現據明亮等搜查該處五十里內。所有數百餘寨落。並無糧石存貯。賊衆之乏食可知。今兩路大兵會合。自卽乘勝深入。掃穴擒渠。佇聽捷音。

同日。劉秉恬奏言。查西路糧運。現自大板昭至

軍營。共有存米五萬餘石。目下無須加運。至北路軍營。每日需米三百餘石。該處存糧。本不似西路之充裕。必得寬爲預備。遂飭揪砥糧員。以西路之餘力。協濟北路。除每日長運商米一百數十石外。總由揪砥發米三百數十石。及四百餘石不等。自三月初一日。至四月十五日。共發過米一萬五千二百餘石。頃據松茂道查禮稟

稱。現到北路軍營。查得卓克采存米一萬三千二百餘石。周叟存米三千三百餘石。覺木交存米一千一百餘石。軍營存米千餘石。合之在途未到之米。約有米二萬餘石。是現在北路糧運亦可不虞缺乏。其新派成眉邛等屬人夫二千餘名。臣留心查考。現過桃關者。共有一千七百餘名。已陸續經過揪砥赴營。該處移營前進。以

現有之夫添設新站。卽可以續到之夫。撥補舊

額。諒亦不致遲悞。茲臣於十七日見將軍明亮

等十四日所發之摺。傳牌內填寫自基木斯丹

當噶拜發。是必我兵下壓業已得手。查從前西

北兩路軍營。雖乘船過渡。亦時可以往來相通。

因日旁宜喜沿河賊人。尙未廓清。是以糧運須

由兩路分運。今我兵業已下壓得勝。如此一帶

已無賊人拒守。則一切糧餉軍火等項。自應由

西路之格魯克古等處。渡河遞運北路。方為直

捷省便。似不必仍遶北路。從噶克等處轉致迂

折多費。臣除行知總理道員。確查情形。妥辦。並

札商督臣富勒渾。撫臣鄂寶。共同酌定。奏人報

聞。

賄竊亦不姪。戮財。茲。外。十日。具。詳。軍。門。亮。

與。育。之。夫。悉。指。德。華。唱。百。以。驚。怪。之。夫。難。蘇。查。

平定兩金川方略卷之一百十八

平定兩金川方略卷之一百十八

五月己酉阿桂豐昇額海蘭察額森特奏言查
木思工噶克本屬進取勒烏圍正路爲賊人緊
要門戶賊人見官兵佔住最高峯頂因於十四
日攢集醜類悉力合衝經穆哈納曹順國興等
督率各兵分頭迎殺計此一日之內賊人散而
復聚退而復進者七次均被官兵擊斃殲斃始

行遁匿。先是臣阿桂一得山峯碉柵時。卽思賊必盡勒吉爾博山梁。及得式梯沿河上下之人悉來抵禦。且沿河碉寨亦於十四日早間。攻打焚燒。賊度官兵未必再來。若卽於是夜攻搶。擦庸等寨。可期克獲。當於亥刻仍派令十四日進攻各員。分隊前進。至十五日寅刻。將擦庸碉寨數十間。並附近大礮木柵石卡。悉行攻獲。官兵

乘勝進撲來珠礮寨賊人先經知覺預備。連撲
三次。不能得手。至十六日丑刻。暫將官兵撤下。
至木思工噶克丫口木城石礮。臣等先於十五
日將大礮運往轟摧。十六日又將趕壽大礮一
位運往。從上下擊。至十九日丑刻。乘濃霧四塞
之時。派兵前進。午刻霧氣將散。各兵踴躍直前。
當將大礮石卡木城。悉行克獲。共殺賊五十餘。

名又將丫口拏柵佔據。至丫口以下。卽係木思
工噶克寨。官兵直前搶入。放火焚燬。又相度賊
人來援之路。於箐林內潛爲設伏。殲殪者亦多。
查十四日所克之丫口右手山峯。詢之番人。地
名上巴木通。其下又有碉兩座。名下巴木通。此
時官兵旣得上巴木通。又將丫口正路碉柵盡
行攻克。則賊人之門戶已開。但下巴木通碉卡

相逼甚近。前進之路。尚爲窄隘。當此賊人心寒
胆喪之時。必應厚積兵力。爲一舉搗巢之局。臣
等相度沿河一帶情形。節節攻取。仍多費手。若
將下巴木通兩礮攻得。卽可從木思工噶克丫
口分頭並下。其噶爾丹寺得式梯等處。又可邀
截在內。目下若無大雨雪。卽擬發兵攻搶。開寬
進兵之路。直搗賊巢。

同日明亮海蘭察舒常奏言查基木斯丹當噶
山腿向東南迤邐而下直至臨河賊人連築石
卡五座聚衆固守若能攻克不惟茹寨以前各
寨落俱可攔截在後卽木克什以至沙爾尼其
間寨落密布皆與基木斯丹當噶相連實爲扼
要臣等於十六日辰刻帶領官兵一擁向前將
各卡立時搶奪在茹寨以前各寨俱經焚燬惟

茹寨以及沿河之賊。尚在固守。官兵若佔至河沿。諒彼處可不攻自潰。且目下進兵道路。漸見平坦。非得楞一帶險不可比。臣等於日內。務期壓至瀕河。以便迅搗勒烏圍。成破竹之勢。現在日旁已通。將兵二千餘名。調赴薩克薩谷。分駐山梁。益壯聲勢。均奏入。

上諭軍機大臣曰。阿桂奏攻克木思工噶克了口木

平定回疆方略卷之二十一
四
城石礮。現籌合力進剿。同日明亮奏。由基本斯丹
當噶統兵下壓。奪卡前進情形。兩路在事將領領
兵。俱各奮勇出力。甚屬可嘉。著行存記。俟攻克勒
烏圍。一并交部優敘。

同日富勒渾常青奏言。查沙壩現在安設糧臺。
小沙壩係在沙壩薩拉適中之地。均關緊要。且
該處道路叢雜。等密溝深。賊人易分窮蹙之時。

計圖覓食。或冒險捨死而來。至三松坪爲沙壩。上站糧臺。相隔不遠。均應酌添兵力。以保無虞。

臣抽兵二百四十名。於小沙壩安兵一百名。沙

壩安兵一百名。三松坪安兵四十名。仍揀派都

司一員。督率駐守。惟三松坪一站。兵數稍單。茲

據臬司李世傑撥解民壯一百名到來。現復分

兵六十名。卽赴三松坪。合之官兵四十名協同

守衛。臣等仍督率將備官兵。實力巡防。嚴行堵截。奏入。

上嘉之。

壬子。明亮舒常奏言。竊本月十六日。由基木斯丹當噶下壓東南。立將賊卡搶奪。旋因連日大雪迷漫。暫爲停止發兵。賊人乘此空隙。卽於我兵所下陡坡。在前敵趕築大戰礮二座。石卡四

座以爲退一步守一步之計。至二十日天氣放晴。若不及時進取。恐賊人深挖濠溝。修築堅固。攻之未免費力。隨派奎林等分作數路。同時並往。於二十一日進發。賊番在卡內鎗發如雨。官兵由陡坡一擁而上。或刨挖礮根。拋放火彈。或跳入卡內奮勇誅殺。賊人勢難再支。其在礮卡內者。盡行殲戮。在外之賊。當卽穿林入箐。四散

奔逃。礮卡全行克獲。計此次殺賊二百餘名。割
獻首級十顆。耳記二十餘件。前阿桂所奏自日
旁沙壩山。以及喀爾西斯年木咱爾所克四條
山腿。四道深溝之外。自茹寨至基木斯丹當噶
共有五道山腿。溝內寨落五十餘處。焚燒一空
現去臨河平壩。卽在咫尺之間。至敖成現已在
甲索帶兵下壓。將俄坡木克什一帶礮卡悉已

佔據自河北一帶賊境而論。已爲大兵奪取過半。現在海蘭察等帶兵一千。仍赴西路協勦。此數月來。賊人窘迫情形。已爲畢露。由此迅搗勒烏圍。諒非難事。奏入。

上諭軍機大臣曰。明亮等奏攻克基木斯丹當噶山。腿賊礮所辦甚好。奎林等攻礮出力。均屬可嘉。統俟攻得勒烏圍。一併交部優敘。現在阿桂等統兵。

平定回疆方略卷之二百六 七
自木思工噶克下壓。計日可得噶爾丹寺。明亮進
至臨河。自必於勒烏圍對面。搭橋過河。兩路會合。
夾攻勒烏圍。自可尅期攻克。佇聽捷音。

癸丑。劉秉恬奏言。前此黔省官兵。因軍營催調
緊急。每日趕行三四站。或四五站。自桃關至大
板昭。僅止行走七日。茲查陝甘二省兵丁。雖不
能及黔兵之步履便捷。然亦各知奮勉爭先。計

白桃關至大板昭亦止行走七日實屬一律迅速。再查連日以來口外雨水頗多其楸砥至桃關一帶道路業經隨時修理至由楸砥至日爾拉薩拉一帶更關緊要。臣於拜發奏摺後親往

各該處逐加查勘或有雨淋塌卸之處。臣趕緊

修整務期糧運利而文報速。並順道前往大板昭軍營等處。確查近日實存米數。卽與督臣富

勒渾悉心籌酌情形。北路軍食歸併西路遞運。

以省糜費。奏入。

上嘉之。

上諭內閣曰。黔省兵丁節次調赴川省。征勦金川。最

爲得力。屢經酌加獎賞。今大功計日可成。伊等家

屬在黔。雖有月糧。足資養贍。朕今軫其勞績。宜昭

逾格優施。著加恩將貴州調赴兵丁家屬。各賞給
半月錢糧。以嘉勤事而示體恤。該部遵諭速行。

甲寅。阿桂。豐昇。額。海蘭察。額。森特奏言。伏查西
路官兵。先將上巴木通攻得。隨又搶據木思工
噶克了口正路。惟下巴木通一處賊人。設有雙
碉。醜類蟻聚。此時惟在克下巴木通。分頭前進。
即可勢成破竹。連日天氣快晴。因於二十一日

亥刻分兵進取。二十二日寅刻前進。下巴木通地勢既極陡峻。上下雙礮中間賊又攔截木城一道。溝濠洞穴。縱橫重疊。放鎗擲石。死力抵拒。

臣海蘭察額森特督催官兵。於鎗石如雨之中。

將攔截木城扳開。從中衝出。又由兩大礮旁繞出礮後圍截。而正面官兵隨各一擁直上。臣海

蘭察所督官兵。先將下手一礮攻克。臣額森特

所攻一礮。亦隨克獲。礮內賊人。皆被殲戮。得脫者甚少。查此兩礮以下。雖礮卡林立。直至噶爾丹寺之上。並無空隙。而勢已佔據上游。臣海蘭察額森特隨乘勢督率順梁攻壓。我兵踴躍爭先。又將色爾外安吉達佳布一帶各礮寨悉行攻獲。直至噶爾丹寺之前。所有礮卡寨落百餘處之賊。無有敢復抗拒者。維時五岱等兵。先至

來珠寨下。直前撲進。攻克得式梯。賊人旋棄礮寨而逃。卽將上下得式梯全行佔據。至烏什哈

達海祿。劉國樑等。攻了口左手木城石礮。書麟

保寧。特成額等。攻山梁上木城石礮。至申刻亦

均先後克獲。此勒吉爾博一道山梁。上下迤延

幾二十里。所有礮寨。儘數埽除。及至戌刻。烏什

哈達等。帶兵直上榮噶爾博大山梁。將各礮搶

得直至第三峯之上。臣阿桂、豐昇、額迅派官兵

前往接應。連夜分擊木柵石卡。將各緊要地方

嚴密佔據。是夜。臣等悉行商酌。當此賊胆已破。

之時。不可稍使停留。生智。至二十三日卯刻。臣

海蘭察、額森特復帶兵前進。直抵噶爾丹寺。賊

在寺內攢集多人。抗拒。臣等思噶朗噶寨。雖在

噶爾丹寺以內。若從安吉而下。將噶朗噶一帶

寨落數十處掃淨。則噶爾丹寺已被截在內。可
以不攻自潰。遂分數隊官兵前往攻打。但時已
未申。難以佔據。因將官兵酌撤。臣等復思榮噶
爾博與勒吉爾博本屬一道大山梁。分爲兩支。
其自榮噶爾博迤西而下。爲勒烏圍。自勒吉爾
博迤下而西北。爲噶爾丹寺。及得式梯官兵若
得噶爾丹寺及噶朗噶。前抵勒烏圍。固爲直捷。

但中間沿河多係危崖一線之路。尚恐不無阻滯。今官兵於柴噶爾博大山梁。已佔至第三峯。而木思工噶克。又先已攻得。若一路官兵由大山梁前進。又分一路官兵出木思工噶克了口。由半山前進。佔至第九峯。則俯臨勒烏圍。勢若建瓴。而噶爾丹寺噶朗噶。自歸掌握。因於二十四日寅刻。仍派福康安等。分爲上中下三路。均

於半山進攻。臣海蘭察額森特緊隨策應。又派

烏什哈達等。卽從第三峯前進。轉戰而前。直抵第七峯之上。奪獲礮卡甚多。此數日接連打仗

共計克大礮一百數十處。木城數十座。寨落二

百餘處。寨房一千數百間。殺賊三四百名。生擒

十名。奪獲牛羊鳥鎗刀矛等物甚多。查此時官

兵直臨巢穴。賊人悉力爲困獸猶鬪之計。臣等

擬從現在攻得之第三條山腿。發兵連擊木柵。直至河邊。并從第三條山腿越溝擊柵。逕逼賊人所據峯下小山腿之各礮寨。用礮轟摧。彼時。卽不得其第八九峯。竟從半山繞至托古魯地方。則已據勒烏圍之上。自可卽日掃巢。奏入。

上諭內閣曰。阿林等奏攻克下巴木通礮柵。將勒吉爾博山梁礮卡掃淨。及乘勝佔奪得式梯官寨等。

語阿桂等督率將士奮勇進攻所至克捷甚屬可
嘉。所有將軍叅贊及領隊大臣等俟攻得勒烏圍。
時一併交部優敘。其在事出力之將領弁兵等卽
著阿桂查明分別等第咨部議敘。

同日富勒渾郝碩奏言。臣等於四月十一二十

二等日先後前往軍營查我兵已攻獲木思工
噶克勒吉爾博得式梯等處均須拏豎木城挖

掘深濠。正在急需兵力。若仍令其樵汲炊爨。不
免兵力稍分。隨飭知隨營糧員。於附近買賣各
舖家。買辦燒餅一萬餘個。送赴前敵。並將備貯
裹帶灰麵撥運一萬餘斤。分發各舖戶。令其趕
做麵餅。運交頭敵。如遇官兵打仗之時。卽將此
分給各兵。以資食用。亦可省兵丁另自炊爨。俾
兵行益加迅速。再查日旁宜喜一帶。各山梁全

行攻得。所有作固頂山梁官兵。業經撤赴前敵。而隨營糧站。距新得各山梁地方。道路遼遠。運送軍米。往返維艱。已將格魯克古一站。移設前敵適中之地。以便分運。目下我兵乘勝長馳。一經攻獲勒烏圍。卽須安設兩三站。臣等業已籌畫於附近軍營各站。預先雇備人夫三千名。並採辦臺馬數十匹。以備添安新站。至宜喜一路。

官兵既進至河岸。不日兩軍即可會合。其糧運

臺站。自應就近併路運供。以歸省便。臣等現已

商之將軍阿桂。札知撫臣鄂實。速赴西路軍營

公同議妥。爲籌辦奏入。臣等再隨驛夫。於前報對

上嘉之。臣等再隨驛夫。於前報對

丙辰。文綬奏言。據北路總理松茂道查禮稟稱

大兵連日攻古基木斯丹當噶。及日旁一帶山

坡礪寨百餘座。盡行奪獲。現在移營前進。其新
得處所。均應安設臺站。人夫需用較多。查成都
土嘉眉邛三府州。添安北路之夫。將次抵站。現在調
赴宜喜添用。應飭軍需局再調糧夫。先補解梭

磨。周叟添安各站等語。臣隨飭軍需局照鄂寶

所調。再派夫二千餘名。飛解北路。以補梭磨周
叟之用。茲於二十九日。接富勒渾札稱。西路迅

搗賊巢。人夫恐有不敷。應飭局撥備二三千名。

聽候調用。

臣

又飛飭軍需局如數撥派一俟軍

營調取。即可迅速起程。查西北兩軍均逼賊巢。

會合之後。北路兵食。即可取資西路。則北路站

夫。即可減撤。不致虛糜。至軍米一項。現在添兵

數千。即日兩軍合營。積存之糧。每日支食。漸恐

有減無增。

臣

現將五六等月糧。照常運供。不致

稍有怠忽。奏入。

上嘉之。

同日。鄂寶顏希深奏言。查大兵前此分路進剿。軍糧分道運供。原因道里分岐。間有隔於賊境。不得不紆迴取濟。卽如北路自楸砥分運至宜喜。遠至三十九站。加以新安之得楞。基木斯丹。當噶二站。共計三十一站。不惟路遠站長。且中。

隔諸山。皆極險峻。冰雪終年不消。今北路攻克
達爾圖以下之得楞。直至基木斯丹當噶。其下
沿河賊境。奪獲甚廣。現由色仰木札拉。搭造浮
橋渡河。以通西路之博楞古站。若將北路軍糧。
改由西路之博楞古。止須添設六站。即可直抵
基木斯丹當噶新營。其博楞古以內。即可就西
路現有之臺站。歸併輓運。且自達思滿起至得

楞三十站均可裁撤。按每站夫六百名。今新添
六站。共止用夫三千六百名。實可餘剩二十四
站之夫。其自孟固至博楞古共一十八站。旣兩
路合運。軍糧軍火較多。原設夫數。恐不敷用。應
請每站再加夫五百名。共加夫九千名。連前添
設新站之夫。共一萬二千六百名。實可節省夫
五千四百名。臣等現已一面飛飭楸砥站員將

北路軍糧軍火。概行停運。一面飭將達思滿至
馬鳴橋。一十二站內軍糧等項。儘數趕軍卓克
采。卽先行裁撤。至原派各屬辦運北路卓克采
等站之月米。卽行改運梭洛栢古交收。與原派
程站旣近。脚價亦屬較省。奏入。報

聞。

丁巳。明亮舒常奏言。查斯年木咱爾溝外。轉過

山背卽係茹寨。一片麥田。賊人現因收穫在卽。抵死衛護。以茹寨戰碕拒其險要。薩克薩谷一

路官兵難以逕進。其沿河數百處寨落。星羅棋布。若必逐一攻燒。不惟多費兵力。且恐多傷士卒。惟當於基木斯丹當噶山腿盡處。竭力衝開。賊壘一路拏卡向前。直抵河沿。則茹寨一帶地方。皆可攔截。不攻自破。隨於二十三日。派令奎

林等帶領官兵。分爲左右兩翼。迤邐而下。抵住賊人救援來路。一面派侍衛進財保等帶領勇健官兵。同土兵搶佔臨河緊要碉寨。賊人見官兵勇往。隨各棄碉逃竄。其時副將圖欽保帶兵薩克薩谷。卽攻克茹寨戰碉。將各寨落縱火焚燒。沿河各寨內竄出賊人。前後受圍。中箭被鎗。亦有墜河而死者。自山腿以下。麥田十餘里。皆

爲我兵佔據。由此至勒烏圍。隔河對面。至甲索山腿。直插河流。橫隔去路。其山頂數峯。共礪卡三十餘座。均經敖成逐漸攻克。現以該處兵數僅止三千餘名。防範尚屬不敷。臣等又在大營

抽撥四百餘名。前往協守。但查甲索山腿層巒疊起。極爲綿亘。下壓甚易。而山腿西面。其上爲曲碩木。再下爲納木迪。又下爲阿爾尼克爾瑪。

思當阿。皆有寨落數十處。環繞其間。而基本斯
丹當噶。下截山岡。與之相並。賊番現當窮蹙。尙
思計圖滋擾。每夜攢集二三百人。潛來偷劫。我
兵防備甚嚴。隨手擊斃多賊。臣等現在趕緊設
法前驅。即使逆酋率衆死拒。亦斷不能多延時
日。奏人。

上諭內閣曰。明亮等奏茹寨以前一帶平塌寨落。全

行攻克。麥田十餘里。皆爲我兵佔據。明亮等董率
勁旅。所向克捷。甚屬可嘉。總兵敖成。攻勦甲索等
處。副將圖欽保。攻勦茹寨。尤爲奮勇出力。敖成已
賞給巴圖魯號。著俟攻得勒烏圍時。同將軍參贊
領隊大臣等。一併交部優敘。圖欽保等。交將軍等
記名。遇有軍營總兵缺出。卽行奏請補授。其在事
出力之將領弁兵等。著明亮查明。分別等第。咨部

議敘。

同日。

上諭內閣曰。前以金川賊番。黨助逆豎。抗拒王師。均屬罪大惡極。曾屢諭將軍參贊。若我軍業已乘勝架入。賊番窮蹙難支。出而乞命。雖投降。亦不可輕宥。今阿桂明亮。兩路官軍。計日可以合力會剿。迅掃勒烏圍。直搗噶拉依。鼠黨狐羣。自必立就駢戮。

但爲數不免稍多。朕仰體

上天好生之心。有所不忍。且此輩番人勢窮食乏。尚爲其首捨命死守。亦頗足取。是以網開一面。施法外之仁。著將軍於進兵時。預行宣諭。賊衆如有畏避出降者。仍從寬免死。倘或怙終不悛。於掃蕩賊巢時。玉石俱焚。難以復追。並將此通諭知之。

臣等謹案番衆黨惡助逆。抗我顏行。罪不容

奉出誅。至

玉師直壓賊巢。聚殲醜類。實孽由自作。迺蒙

皇上曲加矜憫。未忍駢誅。

特令網開一面。宥免來降。如仍怙終不悛。始從玉石

俱焚之例。

聖主覆幬深仁。與彰瘡大義。並用兼施。而蠢茲頑梗。

始爲螳臂之逞者。究無不爲鴟音之革也。

戊午

上諭軍機大臣曰。現在阿桂明亮兩路。屢次克捷。計

日合兵進剿。自可迅掃勒烏圍。卽乘勝攻圍噶拉

依。諒逆酋等不能久爲支拒。但賊番狡詐百出。恐

其勢當窮。感別施鬼蜮伎倆。或假裝逆酋兄弟。詣

軍門捏稱投降。暗藏叵測。將軍等倘不察虛實。輕

率出營相見。設或誤墮術中。所關匪細。此時務期

掃穴擒渠。所有逆酋兄弟。及濟惡之頭人。雖降亦斷不可恕。但彼既稱來降。即可誘而擒之。以葺斯沒。惟當慎之又慎。勿稍大意。所謂受降如受敵也。

同日。富勒渾奏言。查西路糧運。向由凱歌坪。直運密拉噶拉木。作爲半站。大兵現已攻獲木思工噶克勒吉爾博。得式梯等處。其格魯克古一

站。臣已

奏明裁撤。移於木思工噶克山梁了口安設。其分

運北路餉道。

臣

等詳加籌酌。核其道里遠近。應

由密拉噶拉木分路至得式梯。作爲一站。由得

式梯直至色仰木扎拉。作爲站半。即可渡河。由

勒森寨等處。轉運基木斯丹當噶。較爲捷便。所

有北路達思滿以外各站。均可次第裁撤。原派

卓克采月米。亦即改運梭洛栢古等處交收。目

下卓克采之米。旣由色木多轉輸。應卽另委妥
員駐彼接收滾運。其西路之米。仍由梭洛栢古
直運薩爾赤。不致牽混。再卓克采存米一萬二
千七百餘石。不過一兩日內。卽可運完。仍將色
木多一帶糧臺裁撤。以歸節省。奏入。

上嘉之。

巳未

上諭軍機大臣曰。阿桂明亮兩路屢次得勝。掃蕩勒烏圍。自非難事。旣得勒烏圍。卽須進攻噶拉依。第恐逆酋負隅死守。得之未能迅速。自當分兵至馬爾邦。引進富德夾攻。賊衆必更難於兼顧。所有此路之兵。自應大員帶往。若須副將軍親帶。卽仍令明亮舒常統兵而行。或派叅贊大臣。則莫若派額森特。阿桂當遵旨妥酌而行。

辛酉。阿桂豐昇額海蘭察額森特奏言。查自榮噶爾博第八九峯。順腿而下。卽係勒烏圍。官兵

一克此處。賊巢斷難再守。而此兩高峯。地形陡峻。且與兩小山腿。聯絡應援。是以賊人於此悉力拒守。若將噶爾丹寺及噶朗噶。乘勢掃除。旣可將勒吉爾博山梁。上下分駐之兵。多爲抽撤。以供攻勦。而分兵一支。沿河前進。雖該處道途

亦屬險仄。亦可稍分賊勢。第噶朗噶寨落。雖被官兵燒搶十之六七。而賊人於所剩各寨。仍復竄伏。竭力抵拒。官兵若於第三條山腿。連斫木柵而下。一至河邊。不獨噶朗噶攔截在內。卽噶爾丹寺。亦不攻自破。但第三條山腿。兩旁皆有寨落。必須分兵防護。臣等督令官兵於二十八兩日。在各山溝內。砍伐木植。運往第三條山

腿之上。至二十九日。一面督兵接拏木柵。一面分撥官兵。以備截殺來援賊人。並燒搶餘剩寨落。惟時賊人情急。分隊來援。上下衝突。官兵直前迎殺。殲斃甚多。始行竄逸。而我官兵連拏木柵十七座。已至山腿中間。併將前此未及焚燒之碉寨攻搶。焚燒十餘座。是日並派五岱帶兵由噶爾丹寺上面。分路下攻噶朗噶。各寨官兵

所至騰躍而登。旋克寨落二處。進至噶爾丹寺。
南邊溝內。各寨賊人仍復悉力拒守。因將官兵
暫撤。至初二日。復由山腿中間。接拏木柵九座。
至沿河平壩。將賊圍截在內。痛加殲戮。此一兩
日內。即可掃淨。噶爾丹寺。噶朗噶。屆時或合力
奮攻第八九峯。或從噶朗噶沿河直進。在在可
以相機攻勦。至遜克爾宗一處。官兵雖已環其

三面。但賊仍前死守。臣等攻克榮噶爾博山峯之時。卽令富興、德成、六十六等。於遜克爾宗西北設立木柵。連接榮噶爾博向東山腰。以爲聯絡。進逼之計。臣豐昇額亦卽日前往。親爲督率。奏入。

上諭軍機大臣曰。阿桂等奏官兵接拏木柵。直趨河沿。截斷噶朗噶爾丹寺。以期迅搗賊巢。所辦甚

好官兵屢次克捷。勇氣倍增。攻勦自非難事。惟是賊人勢處窮蹙。正如困獸之鬪。以攫噬自衛其死。此時功逮垂成。諸宜謹慎。遇有賊寨鎗石密施之處。均勿冒險輕進。然亦不可過於持重。致涉因循。

臣等謹案由榮噶爾博第八九峯順下卽逼

勒烏圍賊巢。臣阿桂等督率官兵接拏木柵。

直趨河沿。進逼巢穴。官兵等奮勇直前。勢如

席捲我。

皇上臨事而戒。慎謀而成。猶令將佐等。勿狃易成之
功。以防困獸之鬪。又慮過於持重。或致未合
機宜。斯誠

睿慮周詳。無遠弗屆者矣。